

四庫全書

集部

欽定四庫全書

集部

梅山續藁卷十三至五

詳校官庶吉士臣翁樹培

主事臣呂雲棟覆勘

總校官庶吉士臣繆琪

校對官中書臣朱炘

謄錄舉人臣曹勲植

欽定四庫全書

梅山續藁卷十三

宋 姜特立 撰

劉晁之家園六詠

梅澗

勝事人間少芳堤盡種梅橫枝出疎影蠹枿長蒼苔瀟  
灑依湍瀨飄零落酒杯戲魚時躍去凍蝶忽飛來宛似  
孤山見還如庾嶺開只將松作友更與竹為媒迥出千  
林表真成百卉魁羞爭桃李豔自是棟梁材止渴將軍

智調羹上相才風光無着處吟思發春雷

紅雲

海棠亭上號紅雲晴日青天絳綵新疑是羣仙朝玉闕  
一時都戴紫霞巾

罈棹

青溪一曲似清湘剡木臨流製小航莫怪時時來罈棹  
一生心事水雲鄉

浸碧

澄潭喬木插晴煙樹影溪光相接連我欲呼兒操小艇  
醉時坐看水中天

露華

水氣澄鮮暑氣微一池菡萏映漣漪精神妙處無人見  
只在風清月冷時

翠螺

繞旋曾不費躋攀累土為基聳髻鬟恰似洞庭湖上望  
爛銀槃裏對君山

汪尚書輓章二首

昔年宦路意相傾，四紀中間一寄聲。  
賢嗣登門如對面，新詩緘興見輸情。  
安輿方擬來巖邑，急訃俄傳上玉京。  
歎息于今眇人物，短章吟罷淚霑纓。

文章事業蓋羣工，盛世明良喜會同。  
千首歌詩如白傳，百篇奏議似宣公。  
貳師失道違中制，元帥基謀喪後功。  
二十年間遂高志，鷗夷一舸鑑湖東。

足弱

足弱老態增顏仆人共駭無趾真吾師天刑烏可解

偶題

冷澹清虛未是貧吾家富貴自天真江山風月元無禁只許閒人作主人

壓酒

酒到劉伶墳斯人已枯槁不如營糟丘吾將此中老

喜晴

晴日曬江皋人心散鬱陶天地忽開泰萬象分秋毫

我竹葉青烹我翠雲濤勿與俗士對且讀楚人騷

晴雲

晴雲行太虛浩蕩本無心隨風忽變化倏忽成古今卓爾起奇峯萬目競瞻仰本自無心高莫作有心想

重九

淵明頗愛重九名我亦愛飲重九酒已辦黃菊與紅萸喚起陶公為四友

林和叔山園九詠



安坻

規舩仙舟傍水涯  
搜名揭榜號安坻  
于今措足如平地  
無復風波十二時

娛老

老來何事可娛嬉  
堂枕崔嵬瞰綠漪  
自有山光并水色  
不須花貌與蛾眉

西望

江山靜處遠紅塵  
出郭肩輿意自真  
西望市喧聲合處

中間幾箇是閒人

數花

橫身障簾又何癡  
睡聽朝雞欲曉時  
唯有先生無一事  
偶來閒坐數花枝

霞隱

流水桃花幾換春  
花溪溪上好棲真  
此中自有神仙伴  
不是秦時避世人

秀野

坡仙獨樂賦新詩秀野於公兩得之  
山卉名花同一園  
調元妙手本無私

霜餘

龜殼浮游不問津  
壺中日月自長春  
向來橘隱商山樂  
今日中間添一人

鷗渚

歸來林下久忘機  
表裏虛明更不疑  
俯仰自知無愧怍  
此心何止白鷗知

細香

翠莖綠蔭散高岡老氣崢嶸耐雪霜不獨清虛符有德  
紫綳纔脫便馨香

如山堂二首

飯餘行挾冊醉後卧看山舉世皆忙者無人伴我閒  
時時緩步到如山松竹風過繞孺絃此是老人消日處  
客來須飲去須眠

老伴

老人須老伴舊事可重論今古不同調後生難與言

得節二首

年登八秩少三春鼻祖功名事不倫紅旆碧油非本意  
綠簑青笠是前身

風雲際會少人同玉殿宣麻出禁中聖主念親催賜鉞  
老臣捫淚痛遺弓

山間曉望

老來活計不堪聞嘯月吟風自策勲不愛黃金三萬鎰

只求清曉一山雲

此路

今古皆從此路行  
只有短長分早晚  
我比儕輩得已多  
送老生涯唯酒盞

余行年七十有七  
腰圍頓減殆不勝  
衣齒亦搖脫可念也

衰鬢已凋潘岳便  
腹頓減邊韶陋姝  
何必豐臉爛飯須  
要長腰

平原郡王南園詩二十一首

南園

南園山水神仙窟上世源流忠獻家  
畫錦堂中詩句好因詩名榜更光華

許閒

裴相功成歸綠野謝公人望起東山  
巨川欲濟須舟楫只恐求閒未許閒

和容

射亭

君侯不與力科同能事都歸德行中  
矍相圃間唯孔子和容堂上獨韓公

寒碧

千層山色參空碧  
十里波光照眼寒  
六月火雲橫障日  
好來此處凭欄干

藏春  
芍藥

牡丹過後看紅藥  
賴有藏春得少留  
恰似隋宮千綵女  
錦颿一夜下揚州



凌風關

花木樓臺錦不如，關門下瞰更凌虛。他時老子如相過，

認取東來青犢車。

李老君騎青牛過函谷關

西湖洞天

洞天別是一蓬瀛，桂館時時吹玉笙。中有仙翁長不老，不知幾箇董雙成。

歸耕

莊

歸耕此計未為遲，畝艱難已素知。伊尹佐商功業盛，

却思前日有莘時

夾芳

兩邊花木

四時花木巧玲瓏  
夾路紛紛紫映紅  
步障不須西蜀錦  
相公行處裏春風

豁望

山亭

高亭四望與天開  
乘興登臨亦快哉  
曾次如公無滯念  
時時只合眺崔嵬

鮮霞

桃

蟠桃花發景爭新  
流水漂香幾換春  
洞口霞光長蔽日  
須知中有武陵人

矜春

梅

莫疑造物擅天工  
先借孤根暖氣通  
待得乾坤生意廣  
一時散施與東風

歲寒

松

森森翠色密藏煙  
霧鬣風髯上拂天  
應伴我公長不老  
不知化石在何年

馬自然指  
松化石

忘機水閣

機心已盡自虛明  
滓翳寧容點太清  
寄語堂前鷗與鷺

五湖煙水莫寒盟

照香

池亭四圍花木

華池島嶼屹中間  
花木毵毵水一環  
恰似諸姬梳洗罷  
一時窺鏡弄嬌顏

堆錦

海棠

天機織處紛紅綠  
丹鳳銜梭自往來  
全似蜀江初濯罷

風和日暖錦千堆

清芬

桂

仙桂扶疎秋復春一天風露散氤氲常娥自有長生藥  
相伴仙翁住月輪

紅香

杏

子因南岳仙人得花自蓬萊海上來每歲枝頭春意鬧  
香風紅豔滿樓臺

遠塵

高亭

高亭迥出人寰表須信仙凡路已分世上俗塵那得到  
如今步步是青雲

幽翠

竹

萬竿翠竹擁山隅時有風前一鳥呼公若來時罷簫鼓  
盡收幽意入蓬壺

多稼

富貴多為居養移田家作苦記農時亭名多稼非無意  
後代兒孫却要知



梅山續葉卷十三



欽定四庫全書

梅山續藁卷十四

宋 姜特立 撰

賜節

潛藩伴讀六年餘賜鉞君王念老儒祿厚養成間意思  
日長添得睡工夫

足弱二首

八十頽齡血氣微杖而後起固其宜堯夫有句君聽取  
脚力衰時藥不醫

脚力雖云弱心靈尚宛然休輕削孫臏猶解殺龐涓

竹翠

竹翠涼虛寢爐薰養道情日長無一事燕坐有餘清

劉景文

憶昔劉景文其父死西戰出身與我同詩文亦璀璨結  
交蘇與黃秦張同一貫文武初不分西班不須換

八咏樓詩

丁逢

檻外溪山縹緲樓共看雨歇漲痕收天開圖畫無窮態

峽束盤渦自在流賦詠偶然休弔古登臨政爾可銷憂  
邛邽九折經行遍又向東吳寄此遊

後十日重遊

丁逢

層樓重到已經旬遠岫晴嵐發興新風送炎天墮冰雪  
香清仙界引星辰茶瓜暫喚林間客杖屨長輸物外人  
便欲從遊赤松子君恩應許乞微身

和二首

八詠詩成沈隱侯樓中風月盡兼收三千題裏無新語

七百年間有勝流，領客登臨聊一快。  
舉杯相屬更無憂，令威早晚冲天去。  
華表歸時記舊游。

使君政事妙如神，更有新詩字字新。  
方仰高深如海嶽，豈知出沒尚參辰。  
愛公自昔稱賢守，喜我如今有主人。  
況是蘇州許酬唱，丘丹應得寄閒身。

中夏

正此恢台夏園池，綠蔭交高荷擎羽蓋。  
新筍出旗梢。

暇日家人饋酒食。

王度清夷無忌諱  
私家甘旨自充庖  
不須乞食歌姬院  
自有佳人送酒肴

老醜戲題

目深顴起貌嶄然  
長臂厖眉聳兩肩  
宛似阿羅老尊者  
不妨時說小乘禪

喜雨

身居燭燭祝融堆  
一夜西風捲雨來  
酷吏手中逃得活  
故人別後共銜盃

山中

不到山中久山寒景益奇  
凍泉零雪谷墜葉弄風絲

原贈二首

丁逢

人間誰得似留侯何但功名唾手收  
皮裏陽秋有公論  
胸中涇渭不同流餐梨久驗輕身訣  
辟穀長懷許國憂  
儻匪暮年專一壑豈能真伴赤松遊

鷹揚家世尚精神授鉞宣麻命數新  
眷重先皇傳禪日  
恩隆今上繼承辰謀猷合去陪諸老  
眉宇重來看萬人

約我登樓共秋月少留不負百年身

和二首

浙江茅土幾諸侯美譽唯公一日收馮翊望之新得郡  
潁川黃霸舊承流西湖一火愁中禁東郡三霖慰客憂  
早晚秋風吹紫桂百錢應伴使君游

杜老才高筆有神却誇庾信句清新方慚醜女依西子  
更覺常星望北辰眼底向來無作者世間此去有詩人  
交情何似吟情好託契猶堪慰老身

和叔豹詠家園

小園繚繞瞰滄灣，搜抉天藏不放閒。  
愧我筆端無錦繡，羨君曾次有江山。  
規模未出經營外，物象先歸賦詠間。  
何日攜筇來共醉，每於勝處一開顏。

夏夜露坐

脫幘思悠哉，崢嶸望斗魁。  
好風蘋末起，清興月邊來。  
天地供吟筆，星河落酒杯。  
神仙去不遠，便欲跨蓬萊。

舟喻



樓船萬險出驚湍未到安抵未是安萬一暗逢羅刹石  
破舟覆族有何難

養雞抱犢摩詰語也戲廣其說

雲裏養雞非是達山頭抱犢未為真何如老奉閒香火  
醉卧林間了此身

苦樂

人生苦樂與俱生不問侯王及庶氓萬事隨緣安樂法  
莫求好處一邊行

喜晴

日出天開眼雲收見物華不餐還自飽無酒却湏賒綠  
遍千絲柳紅添幾樹花如何酬造物爛醉是生涯

紀恩詩

甲辰夏獻詩百篇孝宗皇帝翼日宣諭宰執  
召試中書今茲節鉞之賜皆三聖恩德建堂  
貯節有上梁文一聯云百首之清詩夜上九  
重之溫詔晨頒因足成篇以侈大賜

百首清詩夜上九重溫詔晨頒自古封侯賜璧慷慨只立談間

驟寒擁爐

雪霰曉漫漫天公刺作寒林梢棲白鳳爐焰舞紅鸞

足弱感劉賓客跛牛歎

劉子憐跛牛行將就庖宰云斯竟不免轂觫有何罪為善無近名月刀用則墮莊氏其至言超然出形器

余丞相薨長沙

一紀歸來老薜蘿須知養壽是蹉跎幾人盡向忙中去  
我比時賢日已多

寄邦佐弟歸鄉

馮公嶺上翠摩空下視羣山千萬重想得行人歸意速  
又穿雲樹過前峯

旌節

君恩華我老旌節到柴門我本一書生乃忝侯伯尊憶  
昔有鼻祖漁釣于周文既已成王業營丘垂後昆功德

雖不同齒貌略可論相望數千載但愧非賢孫

把酒

淺把消消酒風流杜少陵是中有真趣全勝醉瞢騰

竹杖

竹杖點湘斑長隨掌握間老來方得力伴我一生閒

足弱再賦

四大假合成足弱非我病但作如是觀乃悟真實性當時維摩詰聊示世間身凡欲問疾者正墮煩惱因我若

於爾時便當作禮去病既無從生自有歡喜處

不寐

老人夜不眠宿鳥未安棲送睡憑盃酒思晨聽曉雞

秋後得雨

亢夏草木死旱火熾如焚秋深得雨涼萬物生精神庭  
蕉抽綠書野草秀芳茵風露洗芙蓉豔質照商旻我亦  
病體蘇楚楚整冠巾秉時一尊酒豈曰非良辰

九月赴郡燕旄節適至

賢侯佳節初開燕誰是風流晉孟嘉已判百年唯白髮  
不羞九日對黃花擁旄遙佩藩臣印把璣重來刺史家  
希事此邦應未有一時千里借光華

郡中九日賞菊及牡丹時樂禁未開

兩朶牡丹開國豔千叢黃菊散秋葩可憐賓主歡娛地  
只向尊前不語花

和丁大卿韻

久回俗駕向山中無復詩騷見古風方喜故人千里至

更容清夜一尊同賓筵談笑知無敵筆力追陪愧未工  
自古詩人難並世歸期那敢話匆匆

別大卿

我來荊始華我去荊方好主人遠招客懽意不草草投  
轄陳孟公哦詩杜陵老不憂垂橐歸珠璣已盈抱天寵  
忽鼎來擁旄行就道賢侯借輝光春風發枯槁

潘提屬拱翠樓

拱翠千峯列髻鬟危樓百尺破天慳九霄星斗朱欄外



萬井人家綠樹間  
水勢大江橫北固  
地形小魯望東山  
何當襍被從君住  
借我時時豁醉顏

偶題

平生事業詩千首  
蓋世聲名黍一炊  
濩落中間偶成事  
涼涼踽踽欲何為

老饕

東坡嘗作老饕賦  
姜子年來老更饕  
血氣已衰肌肉瘦  
正如槁木渴春膏  
伯仁若見求牛炙  
畢卓如逢覓蟹螯

頷臠酒鯖和海錯晚菰春韭雜溪毛搜尋奇味須兒輩  
調芼精能付主庖君子固知居遠殺老人詎可食無肴  
鄰翁時喜分甘脆侍妓偏能佐酒醪萬事灰心唯有此  
婆婆牖下任陶陶

偶題

自是繩樞子夤緣登宦途閒情入魚鳥歲晚卧江湖  
沈約

懷情既不盡謚隱亦何疑截舌帝其怒在天靈可欺



梅山續藁卷十四

欽定四庫全書

梅山續藁卷十五

宋 姜特立 撰

地爐

穴處嘗聞太古時規爐鑿地亦幾希  
便成簡易真淳俗坐喚兒孫共打圍

和葉叔豹

暮齡旌節寵旋歸感謝皇恩念細微  
已是丘園添盛事更兼山水借清暉  
老來自合深韜晦語妙偏能相發揮

祝我青松君意厚尚嫌詩瘦損腰圍

酒徒

酒徒狂態少威儀看碧成朱兀似癡何似花時風月夕  
提携歡伯緩相隨

送丁大卿知廬州

寄迹雙溪喜盍簪剖符廬子遽分襟伏波威著羌夷界  
叔子恩懷江漢心萬里烟塵入長筭二邊風月待清吟  
促歸早晚飛丹詔新鴈回時有好音

賀兄得節寄詩二首

弟邦佐

千年華表插高空  
歸日呼聲徹九重  
城郭人民儼如昨  
不應忘却白雲峯

老氣崢嶸薄遠空  
才名一世許誰重  
已將功業酬身了  
却把梅山作隱峯

同賀二首

弟邦達

難兄位品亞司空  
腰下金章指日重  
畫錦榮歸何太晚  
舉頭何啻仰高峯

夜雨當年舊話空  
草廬應記亂山重  
歸來若上松楸望  
前對南屏巾子峯

和三首

初出鄉關歎屢空  
行人愁見暮雲重  
倦投山館憐吾足  
踏徧千峯與萬峯

吾祖平生學苦空  
至今餘慶尚重重  
佳城氣象年來別  
秀出南屏第一峯

平生畫虎半成空  
歲晚歸來好事重  
屈指燎黃應不遠



金冠章紱看駝峯

春來葦圃

園林索寞已飄梅且喜東皇勒駕回  
磨拭石臺需客至  
支撐花架待春來

夜永

夜永醉還醒隣雞已有聲  
衾寒霜令急木落睡魂清

吟詩

平生性僻愛吟詩驅使風光如使兒  
縱橫妙用無凝滯

問著機緘自不知

又

四始詩之至源流治世音後來無鄭衛蛙蚓謾呻吟

王大卿輓詩

少年登鴈塔晚歲列鵷行  
賈傳心憂漢宣公疏奏唐細  
氈親沃日白簡舊凝霜才大施猶狹清名玉雪揚

報恩

報恩須烈士拂意是忠臣  
君看傾邪輩哨哨似婦人

臘殘

臘殘梅破靨春近柳含滋  
指日驩娛地東風浩蕩時

村翁

茅茨西日暖翁媪自相依  
不識駕鵞意雙雙作伴飛

夜半

夜半霜鋪瓦渾如水潑衾  
爐紅朝易起衣重老難任

芡實

芡實徧芳塘明珠截錦囊  
風流熏麝氣包裹借荷香

里中驅儼

大儼存古禮彩髮映雕冠如今身老大不似小時看

余曩官都下有一鐵餅甚古貯湯宿火以供朝  
謁歸來置床下有年矣偶一日得之因磨洗以  
備飲酒不時之需

冶鑄求來不記年貯湯宿火早朝天如今冷落渾無用  
且與鴟夷伴醉眠

感歎

日月爭其所昏曉成古今桑榆能幾何可但惜分陰有  
花須共賞有酒須頻斟追念舊交遊半卧青楓林

偶題

平生不作守錢虜萬事隨緣了即休收拾詩篇閒事業  
追隨歌酒老風流

立春作時七十八

老覺冬衣重慵便春服輕衰翁脚力弱拄杖乃能行八  
秩今時少何人福壽并仰惟文與呂盛德兩耆英

送升之南宮

銀袍金帶吾家有黃榜青衫未有人此去須君立門戶  
桂林先折一枝春

思親

富貴來時不見親永懷恩德倍酸辛如今有祿肥妻子  
誰念孀孤泉下人

呈府判兄

端憂傷逝者花事欲如何春色愁邊少悲悰酒後多溪

桃方著臉區木漸成窠擬作開眉計何當掃障魔

元宵小飲遊人填塞殊可厭

一燈何似千燈千燈爭如一月雖云屋下熒煌不若空  
中皎潔笙歌萬井喧譁車馬九衢填咽老子靜對嬋娟  
自是一般奇絕混沌燈意略同矯俗救奢良訣

歸括蒼如山堂挈家出宅

今日如山堂攜家如逆旅為誰十日留南山看煙雨

又

且唱還鄉曲初非衣錦衣不須華表望丁令此時歸

贈葉樞相

一別鄉閭五十秋今朝作意省松楸山川良是人民改  
故舊無多歲月流不學錢侯誇駟馬聊同范子泛扁舟  
風流二老今重會把酒慙懃說舊遊

歸鄉二首

憶昔東坡老曾吟陌上花我今歸故里卉木正光華  
五十餘年別故山今朝底事挈家還老來報本思宗祖



不為豪夸里巷閒

小池觀魚

戲投餅餌方塘上無限魚兒翻翠浪  
向來瓠瑟聽遺音今日梅山識清唱

過馮公嶺

盤嶠中間十里灣遶山如躡翠連環  
兩岐盡處忽回首只在尋常一望間

嘉泰二年得京祠

八十衰翁灰冷時君恩忽許奉京祠夜行不已非吾事  
歸日磻溪理釣絲

千葉海棠

二八女兒初弄容妝成意態有纖穠點亂胭脂痕片片  
潮生醉臉暈重重

賦括蒼郡齋

括蒼雲水窟刺史神仙宅窈窕九折通髣髴三山隔千  
峯鬱崔嵬一派繞清激境淨不可唾崖傾誰敢迫崇桃

炫春紅積李縞夜白樵唱逋往來漁舫時出沒閒招鸞  
鳳侶間訪煙霞客替玉肌花貌有水光山色使君玩世  
士愛奇忘寢食不憂橐無金自喜足有力欲具航海舟  
從公登山屐早晚歸去來飄然謝朝幘

香風樓

太乙真人一葉蓮浮游萬頃思悠然我今不願瀛洲去  
願作香風水上仙

遊三巖

一見便非凡世界恍然堯率化成宮未分混沌天無巧  
已鑿谿訝鬼有功百尺飛泉晴亦雨四時陰穴夜吹風  
莫將俗駕汚仙境明日紅塵在眼中

感興

八秩歸鄉井交遊二三存固知年及耄似覺老而尊

葉樞相和

枌梓交遊盡靈光歸獨存聲名今綺皓公論自推尊

送芍藥二首

葉翥

清和天氣屬良辰芳事枝頭迹已陳  
閒涉小園銷永晝尚留紅藥殿餘春  
栽培元是根宜地幻化須知花有神  
約定明年身更健詩篇又見一番新

粉社光榮晝錦歸新移紅藥著花時  
慇懃折贈難虛擲要向詩翁覓好詩

和二首

平生出處半參辰胃臆今朝獲重陳  
二老白頭欣得侶千枝紅豔欲無春  
已拚把酒同中聖況是司花別有神

來歲如今好時節詩翁著句更芳新

暮齡攜挈特東歸紅藥翻堦正得時不是花容相嫵媚  
風流要索兩翁詩

和二首

胡澄

開遲依舊占芳辰不怕羣花笑後陳四月明朝纔是夏  
千葩天豔尚含春傳聞勝賞聯樞節揔有新詩泣鬼神  
三十年前舊交友白頭誰復歎如新

鵲鳩一聲春已歸蝶蜂無計戀花時筆頭挽得春光住

却是先生芍藥詩

門前柳

一桁門前柳亭亭翠插空悲秋宋玉宅學舞楚王宮夜  
映樓臺月朝牽菱荇風多情二三月亂絮撲房櫳


苦熱

老人氣血少日夜遭煎煮點檢槁形骸能禁幾寒暑

聽箏

鷄鵠設鐘鼓固已非所樂我今對秦箏聽之亦藐藐老

人難遣日藉此慰牢落此意只自知勿令兒輩覺



梅山續葉卷十五



欽定四庫全書

集部

梅山續藁卷十六至

詳校官庶吉士臣翁樹培

主事臣呂雲棟覆勘

總校官進士臣繆琪

校對官中書臣朱炘

謄錄舉人臣曹勲植

欽定四庫全書

梅山續藁卷十六

宋 姜特立 撰

賦蓮城堂

此是吾邦別洞天樓臺高下白雲邊  
鳥聲人語相酬答山影溪光共接連  
便欲棄家來學道不須航海去求仙  
媿無冰雪清新句且讀騷經點易編

題謝清音道人扇面

葉翥

歸休謝去世間忙看盡題詩引興長  
忽見遠山來几席

方知妙筆出閨房百杯歌徹行雲住萬象心營點墨香  
珍重製成團月扇清風滿座自生涼

和

紛紛朝市利名忙唯有山林興寄長樞相好奇聊玩物  
道人弄筆欲專房方嫌小景鮫綃窄忽辱新詩繭紙香  
潭府炎蒸無著處聊將三伏助清涼

同遊南明

葉耆

聯騎上南明清譚意自傾雲垂山掩翠風靜雨飛聲幽

壑藏舒景清溪漾晚晴從容共樽酒欲別正關情

和

出郭眼增明遐觀

亭名

酒共傾好風吹暑氣快雨送雷聲

僧磬清敲寂鶯簧巧弄晴論交方繼繼奈此別時情

原贈

趙鉞夫

括蒼水秀更山明山水鍾情故一行黃卷本無閒事業  
白頭却有懶聲名幸逢哲匠求詩範何用愁城戰酒兵  
三嘆遺音今絕少先生還許預茲盟

和

歸來揩眼望南明山水光中慰此行  
不把篇章供世好肯將姓字占時名  
才疎我合回三舍語妙君能敵七兵  
自此定交非造次許陪詩社莫寒盟

別樞相

未冠雞牕友于今鶴髮翁功名各自致  
齒髮略相同欲去情懷惡臨分禮意隆  
百年纔一瞬無惜寄詩筒

和

葉耆翁

研席當時輩凋零只兩翁榮歸會面喜話舊此心同景  
物詩篇富交情古道隆明朝斟別酒問訊付郵筒

巖泉別諸弟

久矣忘鄉井歸人問故蹊無金隨力散有柱把詩題初  
見心增喜臨分意轉迷人生重恩意去住兩含悽

居室

居室要須存野意不求輪奐炳丹青王侯第宅他崇貴  
麋鹿山林我性靈

度暑

度暑有餘樂，虛堂間炷香。  
清風左右至，翠竹兩三行。  
既無衣食憂，更喜壽命長。  
與物雖同流，於世實相忘。  
所以陶徵君，高卧到羲皇。

贈曾少卿

我誦茶山詩，不識茶山面。  
今朝逢嫡孫，論詩得關鍵。  
李杜不再傳，蘇黃纔一見。  
茶山子有孫，夜光同一串。  
故家妙人物，筆底波瀾健。  
何當直兩鋒，看取空中箭。

小蠻

小蠻方豔色老傳已華顛  
念彼當春花能得幾時妍  
勸君莫留花花亦悲流年

寄齋

君齋以寄名寄齋有何義  
豈非異邦人偶爾寓斯地  
靜觀浮世間何物不是寄  
天地即蘧廬吾身一郵置  
百年聊託宿六鑒共遊戲  
一朝撒手行妻子却復棄  
寶貨不隨身主人若箇是  
不如飲無何日就醉鄉睡  
四海皆弟



兄何必桑與梓若問吾故家滕公是同里

積日

積日乃成歲積歲不覺老始焉泉涓涓末乃海浩浩少年玩時日事業良草草况復鈍滯資謀身苦不早只今在桑榆風燭那可保譬如秋後花能得幾時好遇酒且舒眉前程付蒼昊

月俸至

祿厚君恩重才疎德性迂入門隨手散不作守錢愚

潘德久舍人見惠

詩人擁節古來稀，今見梅山際盛時。  
傳世篇章紅錦爛，去天門戶碧油垂。  
風霜氣老同陳柏，亭館花開對蜀葵。  
謂之旌節花應記霸橋人寂寞，依然風雪撚霜髭。

和借用首句

詩人擁節古來稀，郊島詩窮彼一時。  
愛子篇章孤鶴唳，愧予門戶兩狼垂。  
遙知靖節閒栽菊，不見儀休溫拔葵。  
別去脩門莫嗟惋，時來如摘領邊髭。

嘉泰壬戌歸省墳墓感仲叔舊所惠詩及延慶  
堂夢二首

吾叔非凡士從來眼目長相期在今日此意最難忘

延慶堂中夢人言積善家翠娥環繞句今日定如何

叔氏

夢延慶堂詩有  
翠娥環繞之句

感戚夫人事

女以色而死士以才而亡處才不才間此語最深長我  
昔愚自信遭逐方悲傷投迹歸山林為樂特未央失馬

反為福始悟得不償向來尤其人今乃佩恩光忭心成  
美意陋穽為康莊寄語斯鞅輩善刀宜早藏

喜雨寄曾少卿

畎畝欲龜坼好雨忽滂沱豪民不蓄穀一早將如何早  
晚炊香秔呼奴蒸瓠壺為我謳一曲便是擊壤歌皆由  
使君恩盛德致時和豈有六七月溪流揚素波爾民亦  
何知飽食輸王租誦我喜雨詩百世永不磨

漁舍

漁舍枕滄灣如游赤壁間

一名小赤壁

羨魚雖迹似匪釣却

心閒松古龍千尺溪清玉一環無人相伴醉沙觜弄潺湲

得雨乍涼

老火忽西流涼颿應蓐收倦懷辭濁暑爽意入清秋得句新逾潔炊菰香正浮身閒仍有酒此外更何求

清閒

清閒自是神仙福不是神仙不得閒我雖兀骨居塵世

十有三年守故山

魚燕

拍岸魚遺子排簷燕引雛有生俱有欲情愛豈其無

暮年即事

八十衰翁如小兒愛餐梨栗作兒嬉有時淡飲三盃酒  
無事閒吟兩首詩還丹却老吾不知頭童齒豁一聽之  
但願造物相扶持壽考或可登期頤

賀葉樞密得孫

鸞鳳難為種尋常羽族繁共期公入相又見子生孫衣  
鉢傳親手箕裘付後昆韋平今遠矣衮衮屬高門

秋晴得雨

片雲飛白雨萬壑變清秋  
瓮螳思新酒河魚失舊愁  
嫩涼生枕簟爽氣入梧楸  
喜得平安報天如為我謀

子美

倉卒朝行在間關到蜀都  
維舟錦江上卜宅少城隅  
藥市橋春過江村酒夜沽  
風騷天不靳故遣走荆吳

感物

四時有代謝卉物互相踰紅者方榮萼白者已芬數人  
生一氣中不出造化爐乘除無了時逝者如斯夫願作  
澗松老莫作朝菌枯壽夭又在天顏跖歸一途為顏不  
為跖趣向各異殊已矣勿復言有酒且驩娛

送酒劉公達

詩翁詩膽如酒膽底事豪詩不豪酒麴生聊遣伴清尊  
曾有醉吟三百首



送光孫崇元讀書

吾兒毛骨已森然會見排風上紫煙  
但把文章博科第便成陸地作神仙  
習中涵裕書多讀筆下縱橫業要專  
卜者相期非止此後生進學在丁年

水窠贈王元聘

對此一拳石便有滄洲趣可笑祖龍  
癡轍環山海路羸得鮑魚腥屬車無  
覓處何如蓬華人低頭簷下住

看花

是花皆有態品格不須論方其得意時掀舞春風前正  
如東西施彼此兩爭妍有萬吹不同各自矜其天

喜歲豐

六月禾將槁天公一雨蘇旱時苗化草稔後米如珠食  
足安田里年饑死路衢豐凶才反手捫腹媿微軀

詩人

自古詩人多坎壈早達唯有蘇長公流離嶺外七年謫  
受盡人間半世窮我方六十遇明主前此獨卧空山中

豈唯食粥動經月門外往往羅蒿蓬嗚呼詩人天愛惜  
不與富貴唯窮空彼蒼於我亦厚矣但畀明月和清風

看詩卷

蘇黃自是今時友李杜還為異代豪八十衰翁無老伴  
唯渠終日話風騷

東坡

文章聲價有東坡歲晚親逢春夢婆一聞千悟無餘事  
背負大瓢還唱歌惜哉龍眠不好事不為寫作東坡海

外郊行圖

野步

晚來行野色晴意滿江山舊得貧中樂今於老後間淵  
明五柳下顏子一瓢間此道如能會孤標不可攀

朝雲

東坡真天人萬事早超悟生死固了然刀鋸不足怖方  
其謫嶺海負瓢歌道路此已遺形骸死埋隨到處朝雲  
爾何人從公不忍去萬里煙瘴深此豈有羨慕當時士

大夫反眼相背負孰料禍患中義行唯妾婦懿哉配坡  
公清名照縑素惠州松樹林不是小蠻墓

謂小蠻  
求去也

詩人有至樂

詩人有至樂俗士不知味可以安賤貧可以輕富貴可  
以履憂患可以散淹滯如彼逐臭夫終日鮑魚肆方其  
樂其樂蛭蛆甘所嗜天特私吾徒慎勿洩其秘

雨中巖桂

社後十日雨壞却山桂花不見日車行但見雨脚斜悶

坐室何有辭眠情不佳安得萬里風浩蕩吹晴霞

飯間戲作

平生無事業只是養此腹雖曰負將軍念爾相隨逐一朝我若行枵然入空木問爾將何之無功難受祿

心迹

心迹清虛絕點塵更無俗慮得相親可憐一片浮雲性付與逍遙自在人

秋夜月

新月秀彎彎高懸碧落間何當依玉戶瀟灑看江山

招客賞菊

今年月有閏菊花開較遲明年無羸縮花開當及時有  
花與無花摘藥泛酒卮況是好時節風日生光輝但願  
身老健長與花為期猶勝陶徵君無酒空賦詩

火閣砌壁厨

壁厨殊易成製度亦苟簡二邊各一柱四齒橫兩板重  
重疊書冊造次可抽揀猶勝堆案頭兒女恣翻混鄴侯

懸牙叢况復余性嬾聊欲備闕遺時時遮老眼

余有足疾因感柳子厚跂烏篇

跂烏肖翹叢薄間低頭塌翅人所憐既無三足相疑妬  
恐可資緣到日邊



梅山續藁卷十六

欽定四庫全書

梅山續藁卷十七

宋 姜特立 撰

拒霜盛開

拒霜秋後散紅葩  
賸有風光到我家  
堤上晚來相照耀  
分明一片赤城霞

王元聘惠石菖蒲

靜坐對珍叢  
人疑道氣充  
軒裳路益遠  
巖壑意潛通  
石自鏤鑿巧  
苗因灌溉功  
暮年無嗜好  
所向略相同

初寒

露冷天寒欲墮霜  
夜眠輒轉怯更長  
衰翁枕上閒尋句  
風入家林月到床

移菊

旋移菊本對茲辰  
汲灑清泉浥細塵  
底事今猶這箇在  
向來曾是惜花人

大笑菊

玉瓣金心磊落花  
天姿高灑出常葩  
標名大笑緣何事

開口相逢有幾家

學道

學道不須奇無為勝有為氣平無間斷心靜自清爽意  
釣非關餌行歌不為詩隨緣皆自在何患不期頤

山居二首

山居少交遊在家仍嬾出忽得佳友生開懷可銷日盃  
盤隨所有新故皆如一客醉不肯留我懽終未畢

吾雖享厚祿自是一書生災背隨日車噓酒依鉶笙教

兒讀古書課僕蒔春榮野意自足樂澹然違世情

偶題

平生疎散性萬事皆真率唯於五字城如用蕭何律為  
官既無稱治生亦無術獲落每如斯一長何足述

晨起信筆

老翁夜不寐最愛晨起早既欣鄰雞鳴更喜林鳥噪紅  
日忽上牕亟呼具衣襖下床一爐火便覺春浩浩須臾  
盥洗罷覺我神氣好鬚眉白如銀大似商山皓因思履

道賢六十未為老

九人共五百八十四歲

本朝六君子二張同一

趙陳杜與鄭公富貴俱壽考嗟我亦何人八十明年到  
不敢擬前賢後來何足道冀九誇隋珠但可付一笑耳  
目幸聰明時時吟續藁金釵雖零落盃酒不草草

附記

退傳張公士遜樞相張公昇少保趙公鼎皆  
壽至八十六又三人次之曰陳文惠公堯佐  
八十二歲杜祁公衍八十一歲富文忠公弼  
八十歲

余無常產癸亥歲方舍檣事

往歲事耕稼正以飯不足今年不服田賸有代耕祿種  
爪與藝蔬未免課童僕四體不復勤有愧前脩躅

樂天為張建封侍兒盼盼作詩四首今錄其末

章蓋歎也仍繼五篇

黃金不惜買蛾眉揀得如花四五枝歌舞教成心力盡  
可憐身去不相隨

和  
借用兩句

黃金不惜買蛾眉揀得如花四五枝撒手行時無罣礙

更無一物可相隨

黃金不惜買蛾眉  
揀得如花四五枝  
遇有酒時須飲酒  
得吟詩處且吟詩

黃金不惜買蛾眉  
揀得如花四五枝  
日月其除歲云暮  
詩人此意報君知

黃金不惜買蛾眉  
揀得如花四五枝  
池塹臺傾何足怪  
雍門彈處不須悲

黃金不惜買蛾眉  
揀得如花四五枝  
可笑曹瞞空狡獪



西陵作伎一何癡

對芳樽廣韋蘇州詩作

對芳樽老來萬事不足論  
朱唇皓腕年少伴青山白雲  
居士鄰對芳樽老來萬事不足論

菜羹

凡物貴適口何必費橐金  
萼羹與菰菜千里起歸心  
野人美芹獻重意有所臨  
淡薄斯近道厚味腊毒深  
彼哉膏粱徒藜藿非知音

次韻湯寬仲惠四季木犀清烈妙甚

一歲常隨斗柄回  
四時各占一時開  
仙娥別有栽培術  
長與山翁薦壽杯

再賦漁舍

皆言漁者樂不知漁者憂  
方其未得魚  
蓑雨立寒流  
正可入圖畫  
屋壁供王侯  
呂尚與子陵  
工釣漢與周  
初不事鉤餌  
終日心優游  
我今築斯舍  
發興在滄洲  
范子既伯越  
去泛湖海舟  
季鷹思吳中  
不為鱸魚秋  
所以數君

子聲名天壤侔我非真漁人一醉萬事休

觀種麥

麥隴收寒煙曉鋤穿日影什伍每為朋坎種分畦町稟  
氣該四時收成近炎景灌溉須春前明年足湯餅

間吟

千首詩輕萬戶侯富如猗頓亦何求六義中間有至樂  
不須苦作楚人騷

雲山

茫茫幾雲山中有萬古人間有生死出沒如浮雲山  
雲有銷歇世人無斷絕所以西方尊不言生與滅

喜雨

昨宵桴桴車聲喧人情嗷嗷不得眠今朝一雨忽大足  
人聲車聲俱寂然吁嗟血汗滴焦土寸寸灌田亦良苦  
天工作用瞬息間百頃平疇如翠羽須知造物心至公  
遠近高下皆一同豈唯吾里俱有歲一涼到骨恩無窮  
昊天莫道高難測試聽神龍驅霹靂爾農一飽不自知

為爾哦詩歌帝力

大雷雨

驅逐風雷撼海潮  
迢迢已覺度山椒  
金蛇照夜三千尺  
銀竹傾雲百萬條  
起舞不辭巾角墊  
捲廊從聽藥囊漂  
吾家雖乏千倉積  
一飯何妨共祝堯

送胡守

括蒼都誌勒堅珉  
賢守推公第一人  
政似龔黃專愷悌  
詩如李杜更清新  
諸司交薦動旒冕  
七邑爭留號吏民

此去定須登省戶老成人物表朝紳

中古

中古風俗醇田野多賢人沮溺識孔丘漁父辭伍員後  
世多薄俗往往妖孽作小則為勝廣大則為莽卓物壞  
蟲生之俗壞姦生之古道日已遠嗚呼其可悲

樓安撫輓詩

花溪溪水出僊源正對樞臣舊戟門聊把一麾隨宦牒  
只尋三徑樂丘園傳家遠繼東樓國好客長開北海尊

胸次魁奇無一物百年厚德畀兒孫

偶作

酒力欺人老花容笑容衰自憐花與酒終是不相宜

曉晴

晴光弄曉色雲物共昭回豈唯山川豁覺我懷抱開便  
欲御冷風飄飄跨蓬萊下視人世間往往隔囂埃

歲稔

今歲稔熟收田禾籠雞擔穀主人家農人時節一醉飽

掀掀起舞相喧譁

雲岑

雲岑抱秋陰，水木起夜色。原野漸蕭條，田禾捲阡陌。

買雞

野處買雞專報曉，從今不問夜何其。老夫輾轉苦無寐，恰似度關初聽時。

火宅

火宅煩惱窟，塵世憂患海。唯有顏氏子，簞瓢無吝悔。



聖人依歸其樂故不改

文潞公洛中會四同甲皆丙午七十八予乙巳  
生與丙午相屬歲數偶同戲作

洛中四老會同甲太歲俱生丙午年我亦聯翩七十八  
惜無一客伴華顛

除夜書門牌

君恩華老境慶事接新春門戶嚴呵禁神應護吉人

洗竹

脩篁君子性枝蔓謾相妨一自刪除後僉僉弟子行

幼子娶婦

六十得幼子薄者以為嗤新婦拜阿翁茲事在何時翁  
今已八秩又見兒婦歸不遠年歲間更作弄璋詩

和曾少卿娶學建稽古閣三賢堂

君侯敏手鎮星城傑閣巍堂指日成經籍大恢新教化  
英賢重振舊聲名勢雄三洞雙溪境義動千秋萬古情  
一唯家傳人共仰盍將此道覺諸生

題南明

木末禪扃小徑通  
杖藜春晚日冲融  
四圍山色參空遠  
一帶溪光入座雄  
俯仰舊遊渾似夢  
琢磨新句愧難工  
浩歌笑指城隅路  
和氣分明醉眼中

偶題

富貴來時人已老  
光陰去後事如何  
有時無事閒思省  
我獨人間歲月多

說神篇

天道若不神何以驚物而懼人君道若不神何以號令  
鼓萬民故聖人以是而設教奄有四海為天下君

晨起

晨興一爐火燭燭如鎔金大明忽東升陽暉散重陰家  
人過平劑有酒向我斟此外更何求便可老山林

野居

野居富薪炭一煖敵重裘雖無四方味魚鱉亦易求古  
人愛山林豈為口腹謀簞瓢顏不驕樂道固無憂

六十遇明主

六十遇明主家空無一廛百年今共盡五福晚兼全

劉元亨輓章

舉世無非逐臭夫卜鄰幸喜得文儒堵居原憲貧而樂  
瓢飲顏回退若愚粗有田園供菽水更無酒肉混庖厨  
古來隱士無過此歎息吾今德已孤

胡郎中輓章

雞窓同隸習鴈塔獨飛翔薦牘盈丹宸封章列皂囊錦

衣榮梓里符竹耀江鄉三逕方謀適琴尊忽破亡

拾遺二首

劉巖居士再和去年中秋見貽次韻

蒼茫雲海渺無津玉戶初圓絕點塵萬里共欣雲葉淨  
一年爭看桂華新狂吟定約六七友低唱可無三兩人

今日公來賡舊曲梅山驚動主林神

後十四年復有雲  
葉桂花之句愛之

不忍  
去

偶賦

勇退知幾自古難  
人情宦路險於山  
勸君休唱眉間曲  
放我山中自在閒

梅山續藁卷十七

欽定四庫全書

梅山續藁卷十八

宋 姜特立 撰

畫堂春

以下長短句附

故園二月正芳菲  
紅紫團枝一番草  
綠謝郎池人醉如  
泥  
底事江鄉風物  
年年獨殿芳時  
無情燕子背人  
飛似愧春遲

浣溪沙

節序回環已獻裘  
不堪風葉夜鳴秋  
寒螢吟露月堦幽



蝸角虛名真誤我  
蠅頭細字不禁愁  
班超何日定封侯

菩薩蠻

和友人二首

日長庭院無人到  
琅玕翠影搖寒  
覺困卧北窓涼好  
風吹夢長  
璧月升東嶺  
冷浸扶疎影  
苗葉萬珠明  
露華圓更清

蓬山學士文章伯  
尊前風味誰能敵  
新覓似花人  
添成小院春  
玉纖呵翠袖  
蒲勸金盃酒  
壽酒莫辭斟  
酒

深人意深

又中秋不見月

鏡天良月皆佳節  
休恨今宵妨皎潔  
玉鎖悶蟾宮  
姮娥意自通  
終有開時節  
莫放笙歌歇  
來夕尚嬋娟  
何妨把酒看

霜天曉角

月夜遊湖作

驩娛電掣  
何況輕離別  
料得兩情無奈  
思量盡揔難說  
酒酣狂興發  
共尋波底月  
長結西湖心  
願水有盡

情無歇

阮郎歸 寄人

綠陰庭院記年時  
家人捧壽卮  
樂聲催拍送腰支  
香風匝地衣  
清夢斷綵雲飛  
劉郎今鬢絲  
強將盃酒破  
愁眉如今觸事非

浪淘沙

春事有來期  
且喜春歸問春何似  
去年時  
報道今年春意  
好隨分開眉  
往事莫傷悲  
光景如飛十分潘鬢

已成絲幸是風流猶未減且醉芳菲

朝中措 應令錦林禽

芳林曲徑錦玲瓏  
膩白借微紅  
元是海棠標格  
司花點化東風  
端相渾似玉真  
未醉春思先慵  
留取淺顰低笑  
夜深翠幄輕籠

又送人

十分天賦好精神  
宮樣小腰身  
迷却陽城下  
蔡未饒宋玉東鄰  
不堪回首  
高唐去夢楚峽歸雲  
從此好尋

夫婿有書頻寄鴻鱗

又 和歐陽公韻

如山堂上翠橫空  
山影浪花中  
夜夜林間明月時  
時柳外清風  
如今到此  
脩然萬事無處情  
鍾唯有尊前一笑  
分明好箇山翁

蝶戀花 送妓

飄粉吹香三月暮  
病酒情懷愁緒  
渾無數  
有箇人人來又去  
歸期有恨難留駐  
明日尊前無覓處  
伊軋籃

與只向雙溪路我輩情鍾君謾與為雲為雨應難據

聲聲慢

嚴桂

雲迷越岫楓冷吳江天香忽到人寰滿額塗黃別更一  
種施丹天教素秋獨步笑同時霜菊秋蘭最好處向冰  
堦月地把酒相看應有騷人雅士將膽瓶筠管簇  
向屏山野店雲房爭待結屋中間無奈猖狂老子架巢  
卧風露清閒待早晚約姮娥同住廣寒

卜筭子

用坡仙韻

丹桂一枝芳  
陡覺秋容靜  
月裏人間總一般  
共此扶疎影  
枕畔忽聞香  
夜半還思省  
爭奈姮娥不嫁人  
寂寞孤衾冷

西江月

戊午生朝

富貴從來自有人  
生最羨長年  
駸駸八秩未華顛  
更喜此身強健  
金印新來如斗  
絲綸御墨猶鮮  
棗如瓜  
大藕如船  
莫惜尊前滿  
勸

滿江紅

己未生朝

聽說梅山一丘內深藏曲折過醒心橋下水光清徹迤  
邐躋攀登翠嶺沉沉煙壑千峯列更小亭風露逼華堂  
荷香發  
歌聲動雲橫闕舞腰轉風回雪正良辰美  
景衆賓歡悅老子中間聊笑傲酒行莫放觥籌歇願此  
生長似釣璫公添華髮

念奴嬌

庚申生朝

宦途巖險問急流勇退幾人聞早自別脩門今正是一  
紀生朝還到綠野風光平泉草木爭似梅山好園林如



畫菱荷香泛芳沼

早晚玉節來臨君恩踵至金印

應如斗好是華堂開宴處歌舞管絃聲奏海上蟠桃山中仙杏共勸長生酒莫辭沉醉年年此會依舊

滿江紅

辛酉生朝

小小華堂朱欄外亂山如簇更雲中仙掌一峯高矗南極老人呈瑞處丙丁躔次光相燭又誰知堂上有閒人無拘束

賓朋至須歌曲風月好紛絲竹都不管世

間是非榮辱屈指如今儕輩少幾人老後能知足問此

身何地寄生涯唯松菊

臨江仙


桃李飛花春漸老海棠次第芬芳庭前紅藥已成行  
酴醾開未到猶更有花王  
從此便須排日醉莫將閒事相妨  
老來不是太踈狂尊前君看取潘鬢已成霜

感皇恩

壬戌生朝

兒女沸懽聲生朝來到簾幕中間噴香獸京祠新任好事日邊還又清閒無箇事君恩厚  
羸得乞食歌姬

一笑舊衲雲山伴紅袖蓬萊弱水試問神仙何有近來  
饒落托貪杯酒



梅山續藁卷十八